

Число 2.

Ужгородъ 1. фебруара 1926.

Роцникъ VI.


БІЛОРУСЬКИЙ

Бокштейн.

Да бсій
єдінно
б'язть

Iw. 31, na

Духовна газета для поділлю русинів



„Свой до свого!”

„АКОРДЪ”

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоновъ „АКОРДЪ”
Капиталь создали сами наши люде.
Она заряджена по найновѣйшей
техници и ведена перворядными
фаховцями. Мѣстности фабрики на-
ходяться около желѣзнодорожної
станції въ Ужгородѣ. Тамъ посто-
янно выставленъ образцовъ звоны.
! Найлѣпшій благородный металъ !

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ”, ліярня звоновъ въ Ужгородѣ.

Канцелларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

Ново отворена.

КНИГОПЕЧАТНЯ
ОО. ВАСИЛІЯН
В УЖГОРОДЪ

*Допоручается до выполнения всѣх работ
в круг книгопечатания входящих.*

Число 2. Ужгородъ 1. фебруара 1926. Рочникъ VI.

БЛАГОВѢСТИЕ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

на рокъ	10-	Кч.
за границю	20-	Кч.
до Америки	1-	Д.
Одно число 1 Кч.		

Выходить разъ на мѣсяцъ

Адресъ:

Редакція: Карітulska ulica є. 10.
Администрація: Монастырь ОО.
Василіян, Ужгородъ, Раковци 52.

ОБЯВЛЕНИЯ:

принимаются по цѣнѣ:	
за одну стор.	200 Кч.
за половину стор.	120 Кч.
за четверть стор.	65 Кч.

Апостольство Молитвы.

Мѣсячное памѣреніе на фебруаръ для членовъ Апостольства Молитвы.

Головна управа предкладае для членовъ Апост. Молитвы каждого мѣсяця якось окремое намѣреніе, по которому мають они жертвовати свої молитви, працѣ и кресты. Каждое такое намѣреніе благословить и одобрює св. Отець, Римскій Папа. На сесь мѣсяцъ маеме просити Пресв. Сердце Іисусово, чтобы оборонці св. вѣры Христової смѣло боролися и однозначно побуду надъ масонами.

Что се такое съ масоны? Масоны то найбóльшъ и найзважайшѣ вороги Божѣ и вороги св. Христо-ної Церкви! Се слуги діавола, а ихъ товариства се царство сатаны. Они суть по всѣмъ свѣтѣ и явно и скрыто борются противъ св. Церкви. До масоновъ належать самъ верховоды, державнѣ мужѣ, паны министрѣ и иниша компанія. А кого будь не приймають они меже себе, до ихъ гнѣзда може быти принятый такій ліше, кто отречеся Г. Бога и обѣцяе боротися противъ Бога. Съ заѣлѣ вороги Божѣ тымъ бóльше небезпечнѣ, что свою безбожность знаютъ дуже прикрывати плащикомъ людяности, свободы, братерства и т. д. Вовчѣ свої зубы закрываютъ овечною кожою. Всѣ законы противъ св. Церкви, противъ вѣры и Бога, противъ обычайности куються въ масонскихъ кузняхъ. Они хотуть, aby держава стала безбожною, чтобы церкви перемѣнити на безбожнѣ театры, чтобы кресты

всягды покасовати, чтобы дѣтамъ нѣчого не згадовати про Бога и Божій законъ, но чтобы росли якъ маржина, одnymъ словомъ масоны змагаються всѣми силами, чтобы христіяне отреклися Христа а стали слугами сатаны, поганцями. Вовчѣ лабы масонскѣ вылазять на верхъ и въ нашей державѣ. Борьба противъ Бога, вѣры и церкви, то дѣло масоновъ. Нажаль, зъ тими явными безбожниками-масонами братяются у насъ такъ, котрѣ розщибаються якбы то за „рускость“ и апостолують за нѣбы то „православіем“, и во дѣйстности хотятъ внести роздоръ межи нашъ мирный, рускій народъ, хотятъ выдерти ему цѣнное сокровище св. вѣры, а вкинути въ багно московского большевицкого кривославія, безвѣрія и поганства.

Молѣмся, братя и сестры солодкѣ, чтобы Господь заховавъ насъ передъ безбожными вовчими зубами сякихъ лжепророковъ та чтобы найсол. Сердце Іисусово дало намъ силы и отваги прогнati изъ нашъ руськоѣ землѣ сихъ платныхъ юдинимъ грошемъ апостоловъ безбожносви и безвѣрія. (С.)

*

Примѣтка. Ци ты уже, брате милый, записався до Товариства Апостольства Молитвы, чтобы причинитися до розвою Божоѣ славы на землѣ и стати участникомъ членскихъ отпустовъ, котрѣ св. Церковь подає членамъ Апостольства Молитвы? Якъ еще нѣть, то проси свого отца духовного, чтобы заложити у вашої парохіи тое побожное товариство Христового Сердця. Каждый членъ одержить безплатно (задаръ) вписовий листъ, где вычисленъ обовязки и всѣ отпусти. Не одкладайте, вписуйтесь скоро!

Въ кождомъ христіянскомъ домѣ повинна читати ся газета „Благовѣстник“. Онъ не только оброняє и укрѣпляє вѣру, но одновременно ширить христіянский духъ и культуру.

Читайте и распространяйте „Благовѣстник“!



Стойте въ вѣрѣ.

Въ первомъ сегорочномъ числѣ далисьме отвѣтъ на вопросъ поставленный Георгіемъ Михайлукомъ что до исходженія св. Духа отъ Отца и Сына. Теперь зайдемеся дальшими вопросами и будеме змагатися дати ему точный отвѣтъ.

2. Непорочное Зачатіе Преч. Дѣвы Марії.

Въ другомъ зъ ряду вопросъ звѣдуєся Михайлукъ слѣдующе: „Ци Пречиста Дѣва Марія имѣла отца и ци Она родилася отъ отца и матери, или отъ Духа? Ибо если отъ отца и матери родилася, якъ она могла быти непричастна грѣху первородному? Или родилася отъ Духа, и кто еѣ тогда отецъ бывшъ? Одки наша свята вѣра греко-католицка узяла непорочное Зачатіе Божої Матери? Когда установили Соборы Непорочное Зачатіе Престятоѣ Дѣвы Марії?“

Вопросъ, якъ видите самѣ солодкѣ братя и сестры, неясний и болимутный, якъ каламутна и студня, зъ якоѣ зачерпнувъ иго шинь Георгій Михайлукъ, а она не інша, якъ блудна илукя ехідницко-лютерска. Але послухайме отвѣта. Отвѣчаеме частими.

1. Дуже помиляется, брате Георгіе, коли важитеся думати, а то и говорити, что Преч. Дѣва родилася отъ святого Духа. Такъ говорити, то грѣхъ-ересь. Такого николи не учила и не учила св. Христова Церковь.

Зъ Божого обѣявленія знаеме и якъ неомыльну правду вѣры долженъ исповѣдати каждый чловѣкъ, что лишь одень Господъ нашъ Іисусъ Христосъ не мавъ земного отца, ибо Онъ „воплотився отъ Духа свята и Маріи Дѣвы и стався чловѣкомъ“. (Символь вѣры).

Пречиста же Дѣва Марія, якъ всѣ іншѣ люде, котрѣ рождаются на землѣ, мала свого родного отца и родну матерь. Святъ

и праведнѣ Іоакимъ и Анна, которыхъ память святкує св. Церковь наша 9. септембра, бывали родными родителями Преч. Дѣвы а Она ихъ родною доњкою.

Говорити отже про рожденіе Преч. Дѣвы отъ св.-Духа се и безумное и грѣшное!

2. Хотяй Преч. Дѣва мала ту на землѣ и отца и матери, то се зовсѣмъ не противиться той правдѣ св. вѣры, что Преч. Дѣва е непорочно зачата. — Бо чого учить св. Христова Церковь, коли каже, что Преч. Дѣва е непорочно зачата? — Прослухай, брате солодкій, а я тебѣ розясню. — Изъ Божого обявленія знаєме, что першъ нашъ родитель Адамъ и Ева согрѣшили тяжко, вїедно зъ тымъ грѣхомъ утратили Божу благодать освѧчающую, и право до неба, и бессмертность, и рай. Изъ Божого обявленія знаєме тоже, что грѣхъ Адама переходитъ на всѣхъ его потомковъ и то черезъ природное походженіе отъ Адама. То значить, что кажда дитина, котра приходитъ на свѣтъ, черезъ се, что есть дитиною Адама, не має на своей душѣ благодати освѧчаючої, але е обтяжена грѣхомъ, который позбавляє е є благодати Божої. — Сей грѣхъ называється *первороднымъ*. — Зъ первороднымъ грѣхомъ родиться кождый чоловѣкъ!

Пречиста Дѣва Марія, яко природна дитина Адама мала бы была такожъ подлягати первородному грѣху. Та Господь Богъ черезъ будучъ заслуги Спасителя свѣта захоронивъ Преч. Дѣву Марію особлившою своею силою передъ первороднымъ грѣхомъ, а уже въ часѣ зачатія Еї, то е тогда, якъ Богъ Еї сотворивъ и якъ душа Еї лучилася зъ тѣломъ, *найдѣливъ душу* Преч. Дѣви *благодатію освѧчаючу*. Грѣхъ первородный анъ на одну хвильку не ткнувся преблагословенною душѣ Преч. Дѣви Марії, але обминувъ Еї, обойшовъ. Въ животѣ Преч. Дѣви не было анъ пасочки, въ котромъ она не мала бы на своей душѣ Божої благодати!

Пречиста Дѣва Марія е непорочно зачата то значить, что Она уже въ першої минутѣ свого существованія (зачатія) *была свободна отъ змази грѣха первородного, а душа Еї ужсе въ хвилі соединенія зъ тѣломъ мала освѧчающую благодать*

3. А что справдѣ Преч. Дѣва е непорочно зачата, то сего не „установивъ жадень соборъ“, якъ се звѣдуєся баламутно нашъ Михайлукъ, — бо жадень соборъ на свѣтѣ не годень дати. Преч. Дѣвѣ непорочное зачатіе. Сесю правду обявивъ самъ Господь Богъ, якъ и вѣ иншѣ правды св. вѣры. И сесю правду приняла изъ устъ Божихъ едина, свята, соборна и апостольска Церковь, еї черезъ сотки лѣтъ носила въ своею сердцю и исповѣдала своимъ устами; и сесю правду передавати буде грядущимъ поколѣніямъ и учити еї непохитно ажъ по конецъ свѣта! — Ие выдумка се также людска, не установа собору якого, что Преч. Дѣва е непорочно зачата, але се є правда самъ Богомъ обявлена! Но абы сю правду зрозумѣти треба мати розумъ въ головѣ, а не половину и простое сердце въ груди!

Въ сю правду върила и еѣ постоянно исповѣдала такъ восточна, якъ и западна Церковь. Хочешь о семъ пересвѣдчитися, поглянь до нашего богослуженія, якъ тамъ св. Церковь прекрасными словами оспѣвуе непорочное зачатіе Преч. Дѣвы, якъ признае сю правду, что Преч. Дѣва е свободна отъ всякого грѣха и тѣни грѣха.

Знаешь певно на память и часто кончишь сю прекрасну похвальну пѣсню въ честь Пресв. Дѣвы: „Достойно есть...“ Припозирайся, якъ св. Церковь выхвалюе нею непорочно зачату. Тамъ отзываesя до Преч. Дѣвы кажучи, что Она „Пренепорочная“, что „Честнѣйшая отъ Херувимовъ и славнѣйшая безъ сравненія отъ Серафимовъ“. Что се означае? — Херувимы и Серафимы нѣколи не мали жадного грѣха, а Преч. Дѣва еще красша и славнѣйша якъ небеснѣ дуhi! Якъ же важиться безбожный языкъ казати, что Преч. Дѣва была подчинена грѣхови первородному.

Маешь у себе Изборникъ, — пошукай тамъ Богородичнѣ пѣсни и тропарѣ, и Параклісъ, и акафистъ въ честь Преч. Дѣвы, уложенѣ св. Отцами, а изъ нихъ вычитаешь вѣру св. Церкви въ непорочное Еѣ зачатіе, котру высказуе сими прекрасными титулами: „пренепорочная“, „всенепорочная“, „всесвятая“, „пресвятая“, „пречистая“, „некверная“ и безчисленно иныхъ. А сесь пѣсни спѣваютъ и схизматики, якже смѣютъ своимъ грѣшнымъ языкомъ учiti, что Преч. Дѣва была змазана первороднымъ грѣхомъ? — Та чтобы зрозумѣти сесю правду, не доста читати сѣ мѣста нашего церковного богослуженія, але треба мати разумъ въ головѣ, а въ груди щирое сердце, не заслѣпленое слѣпою ненавистью до Христової Обручницѣ, св. католическої Церкви!

Ся правда, что Преч. Дѣва е Непорочно Зачата, е неизвѣдочно вазначена такожъ въ св. Письмѣ.

а) Въ книзѣ Бытія (III. 15.) читаеме слова, якъ Богъ скажено до вужа: „И враждѣ положѣ между токою и между женою, и между скменемъ твоимъ и между скменемъ тої.“ Св. Отцы давнинъ давна односять сѣ Божъ слова до Преч. Дѣвы и Еѣ Божого Сына. Меже Преч. Дѣвою а сатаною мае быти вѣчна ворожію. Она нѣколи не буде въ неволѣ сатаны. Если же бы Преч. Дѣви Марія мала грѣхъ первородный, то не можна бы еї сказати, что Она не была подъ властю злого духа.

б) Симъ Духъ св. въ книзѣ „Пѣсни Пѣсней“ (IV. 7.) каже про Преч. Дѣву: „Безъ локра (красна) єсі вліжши моя, и по-поха икеткъ въ течкѣ“. Не могъ бы Духъ святый тыхъ словъ сказать про Преч. Дѣву, если бы на еї душѣ хотя на хвилю бывъ грѣхъ первородный!

в) Архангель Гавріиль въ дни Благовѣщенія привѣтствувавъ Преч. Дѣву въ Божомъ имени словами: „Радуйся благодати (повна ласки), Гдъ сх Токою, благословенна ты въ женѣхъ“ (Лука I. 28.). Преч. Дѣва повна ласки, Господь зъ нею въ окремѣшній способъ, Она благословенна помеже невѣстами,

бо Она непорочно зачата, бо на Еѣ пречистой душѣ николи не было первородного грѣха!

Опираючися на сихъ словахъ Божого обявленія всѣ почитателѣ Божѣ Матери привѣтствуютъ Небесну Царицу каждого дня въ прекрасной молитвѣ „Богородице Дѣво“ — яко чисту, святу, непорочну лелію, исповѣдаючи сею молитвою свою вѣру въ Еѣ непорочное зачатіе.

Сесю Богомъ обявлену науку про Преч. Дѣву висповѣдали и голосили одночасно всѣ восточнѣ св. Отцѣ якъ: Оригенъ, Ефремъ, Василій, Золотоустый, Григорій, Дамаскинъ.

Коли однакъ деякѣ безбожники важилися обкидати Преч. Дѣву грѣховнымъ болотомъ и заперечовати Божу правду, что Преч. Дѣва е непорочно зачата, тогды св. Церковь своею непомыльною повагою осудила ихъ безбожну науку и оголосила всѣмъ дѣтямъ св. Церкви, что подъ утратою вѣчного спасенія належить вѣрити, что Преч. Дѣва не мала николи первородного грѣха, але была Непорочно Зачатою! — Тогды то схизматицѣ верховоды, а особливо московскѣ отступники зъ ненависти до св. Католической Церкви, якбы наперекоръ уперто важилися ногами допстати сю Божу правду и грѣховнымъ каломъ обмѣтують „Пренепорочную“ Божу Матерь.

На щастя не всѣ восточнѣ зараженѣ кальвинскимъ блудомъ. Православнѣ, въ которыхъ остало еще мало вѣры, учитуясь въ свої Богослужебнѣ книги, не даютъ себѣ вырвати вѣры въ непорочность Преч. Дѣвы и любови до неї, але вѣдно зъ дѣтьми единої, святої, вселенскої, апостольскої Церкви выхвалють Еї якъ „Честнѣйшую Херувимъ и славнѣйшую безъ сравненія Серафимъ и Присноблаженную и Пренепорочную Матерь Бога нашего“. Ся вѣра и любовь ихъ до Пренепорочної Божѣ Матери каже надѣятися, что „повна ласки“ и милосердія Богородица выпросить имъ у св. Духа ласки наверненія и повороту до св. Католическої Христової Церкви! Боже дай, аби се сталося чимъ скорше! — Но горе тому, кто отвержеся одѣ „Заступницѣ христіянъ непостыдної и ходатаїцѣ къ Богу непреложної“ — горе сему, кто важиться своимъ языкомъ хулити „некверну, Богомъ избранну, пречисту небесну лелію“, якъ се чинять нашѣ схизматицѣ агитаторы.

А тымъ безбожнымъ перевертнямъ ставиме и мы вопросы: „Утки взяла схизматицка вѣра, что Преч. Дѣва зачалася въ грѣхѣ первородномъ и когда то установили Соборы, что Божа Мати мала на своей душѣ якій небудь грѣхъ? — Чекаеме отвѣта на сесѣ вопросы! — Якъ же намъ на се не годнѣ отвѣтати, то най перестануть хулити Божу Матерь, а въ едно зъ нами поклоняться Непорочно Зататой Дѣвѣ Марії! (Р. С.)

Изъ миссійного руху.

1. **Обнова миссії въ Терновѣ.** Минувшого года 1924 въ мѣсяцѣ августѣ кончилася перша св. миссія въ Мармарошинѣ въ селѣ Терновѣ. Миссійнѣ науки такъ пристали до сердца жительовъ тересовскої долины, что житель Дубового уже въ сентябрѣ и собѣ устроили миссію, на котру зволивъ прибыти и нашъ ревный Владыка Петро. Поздною осеною уже, бо спередь св. Михайла, кончилася миссія въ далекой, неприступной закутинѣ въ Шерешель. Одъ того часу постоянно надходили изъ тамъ тыхъ околиць запрошеня па новѣ миссії. На жаль миссіонарѣ обѣцяли были на другихъ мѣстахъ кончити св. миссію, такъ что 1925-го года тересовскій округъ заледвы два разы и то на короткій часъ годенъ бывъ витати у себе миссіонаровъ. Въ сентябрѣ (1925 г.) по приводу храмового праздника Рождества Пр. Богородицѣ отбылася дводнева миссія въ Тересвѣ, где миссійнѣ проповѣди голосивъ о. Феодоръ Легеза при ласкавой допомозѣ о. Феодора Коссея, пароха Дубового. Прекрасна хвиля стягнула до Тересви цѣлу тересовску долину. Народъ радовався, что може души свої скрѣпiti обильнѣйшимъ кормомъ Божого слова и очистити въ цѣлющої купели св. Тайны сповѣди. Одинъ-другій схизматицкій висланникъ, который хотѣвъ перешкаджати миссійному дѣлу мусѣвъ замовчати на видъ рѣшучоѣ поставы нашихъ вѣрниковъ. — Въ першихъ дняхъ новембра 1925. г. было въ Терновѣ обновленіе св. миссії. Зъ великою радостію привѣтствовали терновскѣ вѣрники знакомого имъ уже добре чернця миссіонара о. Стефана. И мимо безпреривного дождю и повени спѣшилися на миссійнѣ науки тай брали ихъ до своего сердца. Миссійныхъ проповѣдей выголошено сѣмъ, въ которыхъ пригадано на вѣчнѣ правды и загрѣвано сердя до любови Гда Бога и подержаня Его закона. Не малу радость спричинивъ терновянамъ любимий ихъ бывшый душпастирь, о. спиритуалъ о. Хира, который не жаловавъ труду и миссії ради нащививъ своихъ давнихъ добрыхъ вѣрниковъ. При сей нагодѣ заосновано въ Терновѣ завдяки молодому реввому сотрудникovi, о. Ерешієви) Апостольство Молитви, до котрого явилося добрае больше якъ сто особъ. Боже дай, чтобы культь Пресв. Сердця Іисусового и Пресв. Евхаристіѣ зъ дня на день укрѣпилisя меже нашими вѣрниками, тогда не боятися намъ ни схізми ни безвѣрія: Любовь и прихильность, зъ якою относяться терновскѣ вѣрники до своего старенького душпастыря, о. Гораова, и его ревного сотрудника, суть свѣтвымъ доказомъ, якъ нашъ добрый руській хотя и худобный народъ знає єднити стараніе и дбайливость о добро повѣреныхъ себѣ душъ. У нашихъ бо вѣрниковъ е сердце, та треба знати ємити ихъ за сердце отцевскою любовію и широю працею.

2. **Миссія въ Воловцѣ.** Трета уже изъ ряду миссія на нашей Верховинѣ концилася отъ 21—24. новембра 1925. года въ Во-

ловцъ. Воловецъ се одна зъ центровъ Верховины. Одъ давна остривъ на него зубы отступникъ Гагатко и его помочники москвофилы, которымъ милѣйшое чужое якъ свое родное. Зъ допомогою пана губернатора основано въ Воловцяхъ кацапскій народный домъ, который стався розсадникомъ московскої схизмы и безвѣрія. Своѣ а и зайды агитаторы розсѣяли куколь схизмы и роскола. Недопечений учитель, схизматицкій батюхъ, кто силою заломився въ Канорску церковь хотѣвъ доконче вдертися и до Воловця. Збаламученъ жителъ Воловця почали хитатися у вѣрѣ и усмѣхатися до московскої схизмы. Деякѣ почали сторонити одъ своеї церкви и заходити до Канорскої. Зато оставшѣ вѣрники стояли непохитно при св. вѣрѣ и церкви и просили Господа, чтобы и до нихъ зволивъ послати міссіонаровъ, котрѣ очистили бы атмосферу, просвѣтили заблудшихъ, и утвердили вѣрныхъ. На конци дождалися міссіонаровъ оо. Теофана Скибу и Стефана Решетила зъ мукачевского монастыря. Розсѣяное село по дебрахъ и ярахъ, до того студѣнь верховинска не позволили воловецкимъ вѣрникамъ участвовать въ міссії въ такомъ числѣ, якъ бы они сего хотѣли. До того отступники якъ то чорнѣ круки насилали канорскимъ батюхомъ всѣхъ силь уживали, абы перешкодити міссійному дѣлу. Першого дня міссії въ самъ день св. Михаила вечеромъ зайшло колькохъ подпитыхъ отступниковъ на корушъ и подчасъ проповѣди учинили крикъ и замѣшаніе. (Забыли небораки, что церковь се не корчма, а може такъ ихъ ўчитъ „твердое кривославіе“). Но міссіонаръ не дався збити зъ путя. Непрошеныхъ, безличныхъ, боляныхъ гостей казавъ выпросити зъ церкви, а потомъ спокойно довершилася проповѣдь и умоленіе Найсв. Евхаристії. Помимо злобы и перешкодъ изъ стороны сатаны и его высланниковъ, Гагатковскихъ одномышленниковъ-отступниковъ, міссія здѣлала свое. Вѣрнѣ утвердилися у вѣрѣ, любови и привязаню до единої, святої соборної, (каѳолическої), апостолскої церкви, заблудшѣ же на свої очи увидѣли, до чого доводять сѣ, что „твердять“ вѣру — до безвѣрія и поганства. Подъ двома тижднями по міссії вернуло назадъ до св. матери Церкви Христової 23 (двайцятьтри) родини. Дасть Богъ, что и другѣ упознаютъ свой блудъ и залишать Гагаткову схизму, котра свое мерское безвѣріе и безголовіе прикрыває плащикомъ православія. Та хотяй бы и якъ притворйовалися, ихъ безвѣріе буде все вылазити якъшило изъ мѣшка, бо самъ Господь каже, что: „Не можетъ дреко злѣ плоды дщирѣ творити“ (Мо. 7. 18). Давъ бы Богъ, чтобы заслѣпленъ безвѣріемъ агитаторы нарештѣ прозрѣли и покаялися, бо „Богъ поругаемъ не скрываетъ“ (Гал. 6. 7) и Божа кара не дастъ на себе довго чекати. Млины бо Божѣ мелять помало але певно! „Страшно єстѣ єже власти къ рѣки Іига живаго“ (Евр. 10. 31). И депутатъ Гагатко тогда не поможетъ!

Зъ признаніемъ належить зазначити, что мѣстна интелигенція, передовсѣмъ учительство пильно брала участъ въ св. св. міссії. Всѣ они приступили до св. Тайнъ, чимъ дали прет-

Сякъ на тересяньской долинѣ въ минувшомъ року въ Бедевли, въ Кривомъ, въ Калинахъ и на посльдокъ 22-го м. декабря въ Вульховцяхъ передали. — Туй нѣякого спора и кровопролитія не было, — задаръмо батюхъ Рацин въ Вульховцяхъ предъ передачею церкви кричавъ:

„Люде! Знайте, что давнѣ христіане кровь за вѣру проливали, и вы не жалуйте и оброняйте церковь вашихъ дѣдовъ“ — Но еденъ суботникъ одозвався и каже:

„Правду кажете, но первый разъ вы якъ пастырь пролѣтъ свою кровь, бо вы наробили бѣду и раздоръ“.

На се батюшка не бывъ склонный проляти свою кровь, но отбѣгъ на фару и скрывся въ комнатѣ. Тогда же розыйшлися и самъ схизматики не творили о передачѣ церкви.

Но однакъ злый духъ и запаляющъ проповѣди батюха скоро яли дѣйствовать въ народѣ. — Бо и мимо запрещеня главносл. уряда зачавъ батюхъ служити отправы на фарѣ, где дочасно его оставили про болѣзнь свої дѣвки. Черезъ якѣсь дни въ селѣ явився террор, кто ходить до гр. каѳ. церкви, назначавали себѣ террористы — слѣдствіемъ чого едной ночи 2 кураторамъ запалили сѣно, а другимъ плакаты прильплено на домъ, чтобы не смѣли до церкви ходити, бо буде бѣда.

Тутъ можно удивлятися, что чинить тамъ жандармерія? Або боиться террористовъ, або не хотять дослѣдити злочинникъ ягърску роботу. — И се суть Православиѣ? Рацинъ батюшка лушастырь, або пастырь злочинниковъ въ дусѣ большевицкомъ? Вручаемс высшимъ властямъ Рацина батюшку чимъ скоріше перекласти где въ мадярское село, бо коли бывъ пристымъ хлономъ, туда ходивъ заробляти, и до недавна хвалили мадир'а, и научився по мадярски, и може чо и тамъ бы агитованы на шияму, и бывъ бы ихъ апостоломъ.

Такъ, тогда бы ставъ міръ и супокой, — бо не было бы кому пилити испиншій духъ людей на такъ безчинства и раздори.

Подає: Правосл. гр. каѳ.

Тріумфальний походъ въ оборонѣ вѣры и священика.

Вышнѣ-Верецки, се село крѣпкоѣ вѣры и непохитноѣ вѣрою къ Христової Церкви и народныхъ идеаловъ. Се село бывло центромъ и головною крѣпостю нашоѣ христ.-нар. партії, где наша кандидата листина получила 417 голосовъ. Само одѣ себе си розумѣє, чо непріятель нашоѣ вѣры и нашего народа склоно силою верглися на се ревное село и хотять его розбити. А чимъ? Практика доказала, что на такое дѣло найлѣпшое средство „схизма“. Схизмою розбили на двѣ части Подк. Русь, схизмою друтили народъ въ безвѣріе и моральну темноту, схизмою одалили побожный народъ одѣ своихъ священниковъ и схизмою спилили его культурный и матеріальный розвитокъ.

Сею схизмою попробовали разбити и единство Вышно-Веречанскихъ вѣрниковъ.

Удалося имъ ъмити двохъ-трехъ зрадниковъ-предательовъ, котрѣ зъ дня на день стали схизматиками. Они мали повинность колотити въ селѣ. Але ревный и енергичный духовникъ о. Василій Ларь остро брався до роботы. *Выключивъ изъ Церкви тыхъ пару наемниковъ діявола и заборонивъ имъ вступити въ церковь.* На се онъ мавъ повное право на основъ церковныхъ законовъ.

На сс почалася явна борьба. Священика и его 20 найвѣрнѣйшихъ вѣрниковъ завдали до суду. Обвиняли ихъ бунтовниками публичного ладу, зрадниками державы, террористами...

Дня 12-го января рушилися сѣ обороны вѣры на выслушаня. Походъ раненько рушився зъ села на чоль зъ священикомъ. Высоко лѣтае розвиненый синьо-жовтый прапоръ, на грудяхъ крестъ, въ сердцѣ запаленя, очи блещать, идуть зъ тою думкою, что не бояться „убиваючихъ тѣло, души же не могу-чихъ убити...“

Передъ выслушаньемъ нащивлять церковь, укрѣпитися передъ Христомъ въ найсв. Евхаристіѣ.

Передъ судією стоять якъ мученики и не убояться его. Не мають ніякої вины, лишь ту, за яку стояли и першѣ мученики передъ Нерономъ. Люблять свою вѣру и не допустили панованіе діявола-роздора въ селѣ.

Переслуханя докончилися. Ни оденъ изъ мучениковъ не зрадивъ вѣру, ни оденъ не одступивъ одѣ правды.

Судія Погошиновичъ чужинецъ изъ Галичини еще такого не видѣвъ. Не видѣвъ такоѣ крѣпкоѣ вѣры и такоѣ одданности къ священику. Може собѣ запамятати, что Вышневеречане скорше жертвують свое житѣ, якъ зрадять свою вѣру и своего священика.

Але най звертає очи свої на Вышнѣ-Верецки и вся Подк. Русь и цѣлый христіянскій свѣтъ. Туй повторяються часы Нероновъ! И най учаться вытревалости и вѣрности одѣ ревныхъ Вышневеречанскихъ вѣрниковъ и одѣ ихъ хороброго священика.

ДОПИСИ.

Дорогѣ братя и сестры пр. гр. каѳолики!

Зъ ласки и волѣ Божої уже ажъ теперь чтоденно приближається конецъ нашему страданію и терпѣнію за святу пр. гр. каѳ. вѣру.

Шизма, то е Фотіянска и Гусова ересь зачала хвалу Богу сильно упадати. Выслушавъ и принявъ Богъ св. нашъ горячѣ молитвы и зъ посильными выборами и зъ ласкѣ Божої засвѣтила и на насъ правдивыхъ христіянъ солнечна радостна, весела и свѣтла зоря. Достала и наша хр. нар. партія одного посла въ особѣ А. Волошина, который юйдостойнѣйший и заслуженый народовецъ Русинъ и христіянинъ цѣлобѣ

Подк. Руси, который не буде демагогично, пусто кричать въ парламентѣ ай тихо и тымъ лѣпше буде працювати въ пользу свого бѣдного руського народа и христіянства.

Христіянска партія має 31 пословъ, 3 министры, меже ними найважнѣйшое министерство внутреннихъ дѣль, которое стоить надъ нотарами, окр. начальниками, жупанами и надъ губернаторомъ.

До теперъ, коли шизматики забаламученыхъ сель казали по урядахъ, что цѣлое село уже схизматицкоѣ вѣры, дарьмо мы твердили, что не правда, они мали правду, а коли мы просили, чтобы власти приказали имъ законно уступити и покажеся колко е ихъ, они то казали, что они на силу не можуть нѣкому приказовати переступъ зъ одноѣ вѣры у другу. А теперъ удало правительство розказъ, что въ котромъ сель не буде законныхъ схизматиковъ, тамъ батюхамъ не свободно буде обманьовати правдивое христіянство, одты мають забратися. Теперъ уже можъ было сякій приказъ дати. То зробила намъ хр. нар. партія.

Въ Копашньовѣ паномъ бохтеромъ Кенизомъ гуситомъ, зведенѣ схизматики дваразъ розбили церковь, храмъ Божій. Гр. кае. дуже много трудулися, чтобы знайшли свою правду, въ Ужгородѣ и въ окр. начальствѣ и дарьмо. Разъ довювъ насть путь на жупанскій урядъ, въ вел. Севлюши. Чимъ переступили сме капуру, саме перше усмotrѣлисъme надъ дверми титулну габлу Р'спублики, зъ надписомъ; „Pravda vїtěži“. Кажу своимъ другамъ депутатамъ, шкода было намъ инде ходити, лишь право гуї было ити, бо туй мы найдеме свою правду, я зъ повною надѣю быти, что такъ и буде, якъ было написано.

Дарьмо было написано, дарьмо медовыми словами обѣцали. Были мы потому не разъ, ай може и 100-разъ и усе дармо, ини дисти было лишь пообѣцяти и аж теперъ Хр. партія удѣлили намъ пишу не уніятну, лишь законну правду и ажъ теперъ можеме подѣйтися, что сповнится высший надпись. Черезъ пару днівъ передастися церковь и маєтки гр. каѳоликамъ, дарьмо панъ Генеръ Юра Кенизъ кругитъ, вертитъ, что и они гр. каѳаримо хоче быти хворымъ, обѣ его зъ-фары не выметали.

Ни Судобони церковь и маєтки уже назадъ въ нашихъ рукахъ. Схизматики просяться на лагоду, міръ и своего славного Латника Сигаленика кам'яньюмъ и куломъ киряли селомъ за что ини до тихої вѣды довювъ, больша часть ихъ навертається. Такожъ и Пуштина нашого священника просила. И зложенными руками присягали нашого пробоев. епископа, „чтобы высвободивъ ихъ изъ схизматицкого покла“.

Усиды схизматики зачали упознаватися и лишь чекаютъ, коли прїде часъ, чтобы назадъ такими сталися якось чудесно, икѣ пиали. Лишь пожды, котрѣ зъ сего жити намъряли, скорше очистити ю прошлости и переходить въ суботники, якъ назадъ и. Ножу угодну вѣру.

Ни Тересовской рѣцѣ, уже всѣ церкви намъ oddанѣ, теперъ иде ридъ на Густекій округъ, батюхи дуже бѣгають, айбо „Pravda

vitěží“, а Христіянска партія всѣ правдивѣ законы переведе ажъ и не наразъ, айбо зробить правду.

Знаходяться еще и теперъ по еднѣ урядовѣ особы, якъ и въ Вел. Севлюшкомъ жупанатѣ безбожный панъ Др. Рорбахъ, котрый одъ початку дуже и май пошкодивъ нашої св. вѣрѣ въ цѣломъ Марамороши и котрый и теперъ еще такъ говорить зъ гр. каѳоликами, якъ у найострѣйшої монархії.

Воззываєме увагу Хр. партії и єї заступника пана посла Волошина нашого славного пана, чтобы старалися, чтобы сей урядникъ чимъ скорше бывъ перемѣщенъ до Чехії, чтобы не звѣдовавъ гнѣвливо гр. каѳ. депутації: ци много васъ еще тамъ є?

Мих. Гелебанъ.

Новости

Сколько ихъ у насъ? Схизматицкій агитаторъ, архим. Виталій, вычислюе, сколько е мовсковскихъ епископовъ и духовниковъ, чтобы похвалитися, якъ ихъ много, тай нашихъ вѣрныхъ тымъ заманити во свое схизматицкое багно. — Начисливъ онъ въ своею схизматицкомъ календарѣ за 1926. годъ але не теперъ, а еще передъ револуцією 5 митрополитовъ, 13 архіепископовъ, 230 епископовъ, 56 000 священниковъ, и 23 000 діяконовъ. — Шкода, что забывъ сказать, что револуція цѣлкомъ на поздоря порозбивала сихъ схизматиковъ верховодовъ. Тамъ натворилося изъ колишної царскої Церкви ажъ колько церквей, тай теперъ ростуть новѣ якъ грибы по дождѣ, а кажда тягне во свой бокъ. — Архимандритъ Витатій певно еще не знае, сколько духовниковъ має едини, свята, соборна и апостольска Церковь Христова. Мы ему скажеме, чтобы годенъ бывъ помѣстити въ своею календарѣ. Католическа Церковь має: 14 патріарховъ, 219 архіепископовъ, 944 епископовъ, 20 апостольскихъ делегатовъ, 198 апостольскихъ викаріовъ, 84 апост. префектовъ, и 400.000 (четыриста тысячи) священниковъ. Всѣхъ членовъ Христової истинної Церкви есть 304 мілліоны. — Апостольска Римска Столиця має ажъ 26 нунціовъ по всякихъ державахъ свѣта, а схизматики не мали и не мають анѣ одного, бо всѣ они подчиненѣ тымъ державамъ, въ котрыхъ живуть. — Де есть то большинство, которымъ такъ хвалятсѧ отступники!

1926. рок.

„БЛАГОВѢСТИКЪ“

Сторона 31.

— Назадъ у Христову Церковь. На Хольмщинѣ (Польща) перейшли зъ схизматицко-православноѣ вѣры на греко-каѳолическу три села: Польское, Старѣ-Бубель и Кійовцѣ.

— Комунисты и вѣра. Въ Москвѣ одбывся въ послѣдніхъ часахъ конгресъ большевицкоѣ пропаганды. Велися нарады надъ тымъ, якъ вынищовати вѣру у Бога и религійное чувство. Конгресъ постановивъ, розвести велику liter. агит. (книжки, газеты) противъ религії, а кромѣ сего вышколовати людей, котрѣ бы ишли межсъ народъ и выбивали людямъ изъ головы и сердца всяку религію. Маєся вертати особлива увага на учительство и лѣкарство, котрѣ мають піти на народъ. Въ комуністичніхъ земляхъ не має быти мѣсто для Бога; большевицкій народъ має жити безъ Бога. Люди! Ясли хочете се и у насъ, та лиши голосуїте на комуністії!

— До чого доведе панованіе комунистії? Въ Москвѣ бывъ архіепанії митрополитъ и наслѣдникъ православного патріарха Крутицкій, прото бо не хотівъ призначити безбожный католицький большевицкої „Живоѣ Церкви“. Тікожъ преставали въ Чорногорѣ множество священниківъ. Польща двохъ епископій и 50 священниковъ. Маже преставленіями находиться дещо менше членовъ „святѣйшого синоду“. Вѣрики, котрѣ протиць сихъ арестованъ преставили, були розбити жандармерією. Такъ то комунисты зможуть обходитися зъ слугами Церкви, коли добуються до політичної власти. У насъ Гатій и комунисты теперъ сице помага-

ють „православнымъ“, але коли они стануть управляющими, горе буде и имъ!

— Хр. нар. партія про зниженіе порції. Данева комісія дня 19. декабря держала свое засѣданіе, на которомъ предсѣдательствовавъ самъ фінансний министръ Энглишъ. Шрамекъ изъ стороны хр. нар. партії жадавъ сниженіе прямоѣ порції зъ 20 процентами, въ что Энглишъ не хотѣвъ согласитися. Про то меже Энглишомъ и Шрамекомъ настала остра дебата. На концѣ Энглишъ пріобѣцявъ, что о короткій часъ предложить парламенту порціову реформу, но при теперишніхъ обставинахъ значительное сниженіе порції не можно ожидати. (Р. Слово).

— Славна екскурзія. Панъ бохтеръ Кениэль, гусита изъ Копашньова пошовъ зъ пару своими апостолами и мироносицями до Селищъ одъ Дозифтейовцовъ пересвѧщати церковь. Але люде зъ кам'янами накъряли ихъ и лишь поєдно вернулися назадъ. Такъ его принимали и въ Чумаловѣ, где колись и переслуговавъ.

— Изъ плодовъ ихъ познаете. Схизматики въ Копашньова запалили у Довганичъ Ивана оборугъ съна и у Деакъ Иванъ копицю розметали, чтобы гнила. Все то зато, что не хотѣли пристати до вѣры „святого“ (?) православія.

— Упокоилася. Дня 27-го дец. дорога мамка Мих. Гелебана въ 64-омъ роцѣ своего житя упокоилася въ Копашньовѣ. Отправу кончивъ Др. Миня. Вѣчная ей память.

— Культура схизматиковъ. Въ Луковѣ дня 8-го января было посвященіе звоновъ „Святочну

промову державъ мѣстный душ-
настырь Ст. Головачъ. Въ кра-
сной бесѣдѣ толковавъ знаненіе
звоновъ, такъ, что многъ и зъ
присутныхъ ажъ до плачу были
тронутѣ. А въ сусѣдномъ дворѣ
схизматики зъ повного горла
реготили...

— Якъ почестують въ Фран-
ціѣ нашу Церквь. Папскій по-
солъ Corretti въ Франції по-
лучивъ выименованіе на карди-

динала. На торжествѣ переданія
кардиналскаго означака появили-
ся: президентъ державы, мини-
стръ президентъ и министръ
заграничныхъ дѣлъ. Новому кар-
диналови удѣлили войскову па-
раду. По торжествѣ всѣ цер-
ковнѣ достойники были прикли-
канѣ на обѣдъ до президента
Републики. Сякъ кончилася борь-
ба безбожнаго Еріо-я противъ
Церкви Христової.

Короткѣ вѣсти. Сего року обходить Христ. канон. Цер-
ковь 700 лѣтну рочницю смерти св. Францишка Аси-
ського. — Въ послѣдніхъ рокахъ за св. Терезію одѣ-
Божого Дитятка розишлося на цѣломъ свѣтѣ 44 мілліони
книжокъ. — Турки намѣряють завести новый календарь, якъ
то уже зробили всѣ восточнѣ „православнѣ“ державы. — Въ
Нѣмеччинѣ є $20 \frac{1}{3}$ мілліоновъ каѳоликовъ, 19.540 священни-
ковъ, 5 архіепископовъ и 22 епископовъ. — Въ Греціѣ прави-
тельство выгнало изъ краю всѣхъ монаховъ, молодшихъ од 50
лѣт. Такъ то обходиться перша православна держава зъ сво-
ими православными священниками! — Архіепископъ Пражскій.
Кордачъ, бывъ на авдіенції у римскаго отца и переговоривъ
религійныхъ односинахъ Чеслов. Републики и Подк. Руси —
Ческѣ газеты пишуть, что при нынѣшнемъ составѣ правитель-
ства не може быти слово о розлуцѣ Церкви одъ державы.

Переписки редакції.

М. Да. Palanok-Hrad. Вашъ допись поздно пришовъ. На жаль не мож-
лис'мо помѣстити. Будьте и на дальше працювникомъ нашего святого дѣла!

Е. Ф. Христіянську прессу подпирати мають не только священики
(имъ се є обовязкомъ изъ совѣсти), але и простѣ вѣрники. Днесъ иде борьба
на житье и смерть. Хто подперає діявольську прессу, той працює противъ се-
мовъ Церкви! А кто добрѣ газеты подперає и розширює той ширитъ разомъ
духъ христіянскій. Меже христіянскими газетами на першомъ мѣстѣ стоять:
„Благовѣстникъ“ и „Свобода“. Они мають быти въ рукахъ всѣхъ свѣдомыхъ
христіянъ.

Выдає: Монастырь О.О. Василіянъ
въ Ужгородѣ.

Отвѣтчательный редакторъ:
Емиліянъ Бокшай.

Книгопечатня О.О. Василіянъ въ Ужгородѣ. Раковця ул. (Монастырь).

JOSEF NEŠKUDLA NOVÝ HRADEC KRÁLOVE

Чсл. Р.

Посылає скоро за половину цѣны: Ризы, стихары и всѣ потребнѣ одежи для гр.-каѳ. літургії, заставы, иконы од акад. художников, чаши, олтарій свѣчники, лустры, кресты, одежи и пр. найдешевше.

При новых замовленях скоро задарѣмо поправляє старѣ одежи.

Сукна и моднѣ материали панскѣ

и дамскѣ униформовѣ, тепихы, церковнѣ сукна, тотовѣ реверенды, етихары и одежи продають найтунице по взорах, котрѣ высилаємо на жаданѣ

Выробы сукон HEZINA A SPOL. Humpolec

заприс. доставдѣ Церковного Товариства для Члов. Реп.

ПЕРВОЕ И ЕДИНСТВЕННОЕ ДРУЖЕСТВЕННОЕ ПОДПРИЕМСТВО

„СОЛ“

СВѢЧКАРНЯ И ВОСКАРНЯ В КОСМОНОСАХ

шашкино и андано духовенством и лицовцамъ, допоручує свои перво-
риднѣ выробы, царквиць свѣчки всякою роды, восковъ, полвосковъ,
шашки и лунауто и обленио, такоже стольнѣ свѣчки всякою роды,
шашки и тоалетные, крем на обувь, воск и крем до паркетов.
Свѣчкарня купцемъ почлячий вдск, отпадки из свѣчок или вы-
мощено на вульки. Всему прев. духовенству, сл. патронатным уря-
дам, шепадарским дружествам и всѣм католицким сполкам до ла-
жавої тѣломости под именемъ: „СВОЙ ДО СВОГО!“

Начиняю миссійный рух въ цѣйї нашей епархїї. В нынѣйших
часах и не можеме представляти собѣ успѣшных миссій без

вѣрооборонных брошюрок.

Редакціѣ „Благовѣстника“ и „Душпаstryя“

мають на складѣ такѣ добрѣ брошурки, что сим путем горячо
вручаеме во увагу всѣм священникам и вѣрникам:

1. М. Гелебан: Где глядати правду? Кч 1.— с.
2. Ем. Бокшай: Наверненіе о. С. Дзюбая, шизм. епископа. Кч — 20 с.
3. М. Рожанок: Як я вытвerezився из шизм. блуду . . . Кч — 10 с.
4. Зибужний: Римскѣ отцы и вселенскѣ соборы . . . Кч — 40 с.
5. „ Римскѣ отцы и ученіе восточных отцов . . Кч — 40 с.

Можна их заказати: Книгторговля „Уніо“, Ужгород, Корятовича ч. 10.

Сѣ брошурки мають всѣ наши вѣрники перечитати!

Заложуйте свои вкладки до Централи або до філіялів

ПОДКАРПАТСКОГО БАНКА

Стан вкладок повище 10,000.000 Кч.

В всяких фінансових и господарских дѣлах доставить Вам
скору, точну и безплатну пораду

ПОДКАРПАТСКІЙ БАНК В УЖГОРОДЪ

Своими, заощаджеными гелерами при доброму опроцентованію
капитала подпираите свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска інституція
ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду
выконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы
и Америки выконує найвыгоднейше

ПОДКАРПАТСКІЙ БАНК В УЖГОРОДЪ

Америцкъ десеквестраціѣ, асекураціѣ и компензаціѣ за померших
в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокаціѣ) ощадностей и капитала платить наш
ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж жельезнодорожных карточок на
цѣлу територію Чсл. Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ